

INUIT ATAQATIGIIT

Inatsisartuni



03.09.2018

Inatsisartut Suleriaasianni § 37 imm. 1 naapertorlugu Naalakkersuisunut apeqqt imaattoq matumuuna saqqummiuppara.

Naalakkersuisunut apeqqt:

- 1. Kuannersuarmi uran-imik paaasoqarnissaa siunertaralugu Naalakkersuisut qinnuteqaammik tigusaqarsimappat?**
- 2. Ilumoorpa qinnuteqaammi flour-ip avatangiisinut ajornartorsiutaalernissaa pillugu iliuusissat amigarneri ajornartorsiutitaqartoq?**
- 3. Naalakkersuisut uran pillugu suliaq aamma uran-imik paaasoqarnissaa ataatsimoorlutik isumaqatigaat?**
- 4. Kuannersuarni uran-imik paaasoqassappat paaaffissap illoqarfimmut atanera politikikkut ajornartorsiutissartaqartoq Naalakkersuisut nassuerutigisinnaavaat?**
- 5. Kuannersuit atinnguani illumik B nr.-mulerneqarsimasumik illoqarnera kommunimiit akuerineqarsimasuunera tunngavigalugu Kuannersuit illoqarfimmut atasut oqaatigineqarsinnaasoq Naalakkersuisut uppersarsinnaavaat?**
- 6. Akuaaffissatut pilersinneqartussap sumiiffissaa aamma igitakunik eqqaavissap sumiiffissaattut pilersaarutit Naalakkersuisuniit sumiinneri nassuiarneqarsinnaappat?**
- 7. Pilersaarut pillugu politikikkut suleriesissat matoqqaqisut qanoq ililluni ammanerulersinneqarnissaa Naalakkersuisut timitalerniarpaat?**
- 8. Pilersaarut pillugu Naalakkersuisut suliaqarnermini Inatsisartuni ataatsimiititaliat ukiut kingullit pingasut ingerlaneranni susasaqartut malinnaatillugillu ilisimatinneqartarsimappat?**

9. **Kuannersuarni suliffissanik isumalluartoqarnera pillugu nunaqavissut sulilernissaat siunertaralugu Kommuni Kujalleq peqatigalugu immikkorluinnaq iliuserineqartut ingerlanneqarsimasut suuppat?**
10. **GME-p Kuannersuarni suliap aallartinnissaa pillugu tusagassiorfiit aqqutigalugit oqaluttuarternera Naalackersuisut sooq akuersaaginnarpaat?**
11. **Naalackersuisoqarfiup GME-miit aqutaalersimasutut ilisarnaatigisaat, tassalu Naalackersuisunut apeqqutit akineqarsinnaanngitsut matoqqasuuneri tunngavilersuutigineqartartut sooq GME-ip tusagassiorfitsigut saqqummiussuuttarpei?**
12. **Naalackersuisut GME-mut Naalakkiisinnaannginnerat politikikkikku inissiisinnaannginnerat sumik tunngaveqarpa?**
13. **Sooq GME-p pilersaarutaasa avataatigut Naalackersuinikkut pilersaarisortoqarsimanngila, tamanna isumaqarpa GME pilersaarutaa utaqqiinnarneqartoq?**
14. **Naalackersuisut sunik piumasaaqateqarlutik GME-mut apuussaqaartarsimappat?**

(Inatsisartuni ilaasortaq Aqqaluaq Biilmann Egede, Inuit Ataqatigiit)

Tunngavilersuut:

Kuannersuarni aatsitassarsiortoqalernissaa pillugu Naalackersuisut paamaarussinerat, inuiaqatigiillu GME-p tusagassiorfinnut nalunaaruteqartarnerinnaatigut tusagaqartalernerat tupinnarsiartuinnarpoq. Naalackersuisut GME-miit aqunneqartutut isikkoqarput, Naalackersuinikkullu susoqassanersoq GME tusagassiorfitsigut oqariartuuteqartarnera assut aqutaanngitsumik ingerlasutut misinnarpoq.

Naalackersuinikkut oqartussaaneq siuttuunerlu GME-mit tiguneqarsimasutut misinnarpoq. Naalackersuisut GME-mut uparuaasinnaajunnaarsimasutut ingerlapput suliffeqarfiullu Kuannersuarni susoqarnissaa pillugu inuiaqatigiinnut oqaluttuaqattaarternera politikikkut najummineqarunnaavissimasoq qanoq Naalackersuisut sukateriffiginiarneraat paasinarunnaavissimammat Naalackersuisunut apeqquteqaateqarpunga.

Kissaatigaara apeqqutit ullut suliffiusut qulit qaangiutsinnagit akineqassasut.